



t-i, à s' cauzer. One pitite lumère là ddins : lès gazètes èt dèès djins è Israyèl, dîjenut tot wôt kça comince à bèn fé èt ki s'faurève rapauji, chakén à s' n' auje, dsus s' cwane di dagne ! On pout dire c'k'on vout, mins ça n' si passève nèn come ça è l' Nâzîye Almagne ni èl Stålinyinne Union.

È nosse payi, i gn' arève ètou d'l' ardîre. *On n' va nèn vos fé rmârker ènn'don k'lès Kabyles vèyenut di s'voye rconèxhe l' Bèrbère (4 sôrtes !) come nationâle linwe è l' Aldjèriye. Faut dire èto k'i z-î sont 3 millions à l' djôzer, zèls.*

Nos ôtes, on èst todi à s' dimander kî va bate à l' couÛse au dzeu dèès oto-rizèyès limites nos Zapârt, Princes odobén Prumî Minisse. Bèn shûr, i gn'a ddja yeu sakants ôtes, po wangnî do timsps èt awè pus auji, à s' fé mwinrner è èlicoptère o arèyoplane. I n' payîne nèrén non pus.

Tant k'on èst à câzer d' payî, l' costindje dèès bombâdjes è l' Afgâniyestan arève pèrmètu d' doner d'l' amougnî a bèn dèès payis ki lès djins î crèvenut d' fwim mins k'lès mèsses s' è mètènut plins lès potches. On n' va nèn s'è fé po ça, ènn'don, on nos passe l' tchirlike kand i faut.

Do momint ki dmère vèla co è place assez d'mwins po fabriker à l' nosse, di place, èt po deus còps rén, c'k'on ovrève dins lès usines ki disbâchenut à rlaye amon nos autes.

*

Pokwè l' guèrnouye a voltîye s' couÛ è l' aiwe ? Pace k'il inme bèn awè l' rinnète !©

Combén d' samwinnes k' ça nos fait ddja a n'nén vos côzer d' cayèts d' actualité ? C' n' èst nèn kça n'nos chôpîye pus, mins on s'saye di s' tinu à djoke èt s' dire, sins rîre, ki tot va fini pa s' arindjî : ki l' Tchèron n' va n' pus fé tirer à bales po sakants cayaus tapés, ki l' Àrâfât va sawè fé comprinde à sès mandayes ki s' fé pèter è l' èr au mitan d' ène binde d' inocints n' va nèn rén fé djoker. Mins k' nonna, on sautèle, on bombârde, on tire, on skète, èt ki dji ti spotche dèès maujones, èt ki dji t' tûwe ène pognîye d' feumes èt dèès èfants... Maugré tot, on continuwe, nos xhène-

On comache todi...